

СЛУЖБА

**святы́м испове́дником, но́вым Русі́йским
страда́льцем, пострада́вшим за дре́вле-восто́чное
церко́вно-оте́ческое благочесті́вое Преда́ние
(быва́ет в неде́лю пред Неде́лею святы́х Пра́отец)**

На ма́лей вече́рни

На Господи возвах, стихеры воскресны, на 4.

**Сла́ва, глас 5. Прииде́те отцелю́бное собра́ние,
собері́теся храня́щеи Церко́вное преда́ние,
снїдите́ся святы́х обы́чаи лобыза́ющеи, се́ бо лік
святы́х за сія́ вся́ пострада́в яві́ся, и све́тлостію
испове́дания возвеселі́ святу́ю Це́рковь, я́ко по
зако́нех Ея́ усер́дно пострада́ша, сїи страсоте́рпцы и
ны́не мо́лятся Христо́ви, сохране́нным бы́ти и на́м от
собла́зн льсти́ваго, святу́ю те́х па́мь любóвию
почита́ющих.**

И ныне, Богородичен, гласу недели.

На стиховне, стихера воскресна, 1-я; таже стихеры
святым, глас 5, подобен «Ра́дуися»: **Ра́дуися
мы́сленыи Раю́, и ты́ Еде́ме веселі́ся, я́ко не ктому́
скорби́ши о твои́х жи́телех, і́бо прельсти́выи в тебе́
дре́вле пе́рваго Ада́ма, невозмо́же ны́не стра́хом
томле́ния, запя́ти но́г идущи́х к тебе́, ча́д твои́х путе́м
правосла́вия: ти́и бо терпе́нием своі́м победи́ша,**

бывающее в слабых душах малодушие, и несуменною душею течение свое скончавше, в тебе ныне ликовствующе молятся Христови, даровати душам нашим велию милость.

Стих: Возваша праведнии, и Господь услыша их.

Радуйся Невесто Иисова Церкви, яко по заколах Твоих, бравшися Твой сынове, и вземше победу одоления, принесоша Жениху Твоему Христу, различных мучении раны, яко честно и преценно вено, еже Той прием венча их славою безконечною, в нейже ныне ликовствуют со всеми святыми, наслаждающиеся вечнога блаженства, и с первомученики Венчавшему их молятся непрестанно, даровати душам нашим велию милость.

Стих: Многи скорби праведным, и от всех их избавит я Господь.

Радуйтеся страдальцы всечестнии, иже последним вашим страданием, первых страдалец почести приемлюще: будут бо рече последнии перви, и первии последни; вы бо в девятую и во единонадесятую годину века, мужества своего непреклонным подвигом, и трудами равную первым мучеником мзду приясте, с ними же ныне

водворяющесея в Небесных обителех, поминайте и нас, память вашу любовь совершающих; Христови молитесь, даровати душам нашим мир и велию милость.

Слава, и ныне, глас и подобен той же. Что Твою Богородительнице Чистая нареку Церковь Богоприятную? – Вертоград ли Едемский нареку? – и Ноев славный ковчег прореку спасши, Бога Царя державу всех; святыи язык, Христа Бога нашего обитель; Моисеову же Киоту уподобися, внутрь очищение, и жезл процветшии; внутрь светильницы и ручка, Кадильница всезлатая, в Ню же прибегает всяк верныи, и испрошает велию милость.

Тропарь воскресен, гласу; слава, тропарь святым, глас 4. Яко отеческим законом усерднии хранителие, и древле церковных обычай неусыпнии стражие, святыи новии страдальцы, Владыку всех молитесь, невредимым всем в православии быти, и нам память вашу почитающим спастися.

И ныне, Богородичен, глас той же. Еже от века утаенное, и Ангелом несведомое таинство, Тобою Богородице земным явися Бог, в неразумне снятии воплощаемь, и Крест волею нас ради восприем, имже воскреси Первозданнаго, и спасе от смерти душа наша.

На Пáвечернице

Кондак святым, глас 3. **Ли́к святы́х но́вых страда́лец, разли́чными му́ками по оте́ческих зако́нх ре́вностно сконча́вшихся, любéзно почита́ющеи усéрдно мо́лим их, вопиюще: незабу́дите нас святы́и в напáстех на́ших.**

Слава, и ныне: кондак воскресен, гласу недели.

На вели́цей ве́черни

На Господи возвах: стихеры воскресны, 4. Посем стихеры святым на 6, по единожды. Глас 4, подобен «Зва́ныи Свы́ше»:

Егда́ бу́ря новостéй, поколеба́ всею́ Русíею, тогда́ держи́мии житéйскими́ сладны́ми у́зами, удо́бь влеча́хуся в стра́х малоду́шия; прилежа́щеи же до́бре Писáнию, разумева́ху тщету́ но́вых предáнии; ихже блюду́щися, оставля́ху до́мы и сродств́ия, изволя́юще умрети́, за оте́ческия зако́ны, и любя́щаго их Христа́ Бо́га моля́ху, спасти́ и просвети́ти ду́шя́ их.

Егда́ нововво́дств́ия ле́ди, озно́биша Ру́ськия Цéркве се́рдце, тогда́ я́рое суровство́ новолуби́тельское, воору́жися приле́жно, на избра́нное Христо́во ста́до, – и испо́лнишася темни́цы, любя́щих оте́ческое благоче́стие; но и во мра́чных узи́лищах просвещáхуся, се́рдца́ стра́ждущих, – све́том любве́

Христóвы, Егóже моляху, спасти́ и просветíti душя́ их.

Егда́ новолюбцы начаша, утвержати́ нóвости в Русíи, тогда́ грóзная их я́рость, на сыны Русíйския проли́яся, и всяк град и мéсто обагряшеса кровью́ исповéдник, и бяше видети́ дéло преужасно: яко не агáрянстии внúцы, но срóднии лю́дие искореневáху, дрéвнее святы́х Предáние; томíми же за правослáвие ревнителие, Христа́ Бóга моляху, спасти́ и просветíti душя́ их.

Ины стихéры, глас б, подобен «Всé уповáние»:

Ельма́ то́чию, нóвости в Русíйскую Цéрковь вступíша, áбие исповéдническая хра́брость, возопí лéвским глáсом, на внесénное новолюбитель умоврédие: не подобáет глагóлюще, прелагáти предéл вéчных от отéц положénных; но упíвшеися мстóм новолюбия, мýчаху тéх грóзными мýками; онíже лю́те ураняеми, вопия́ху Христóви: укрепи нас Исýсе, в предáнии Твои́х угóдник.

Вели́кою злóбою, възьярívшеся новолюбителие, и иска́ху по градóм и вéсем, храня́щих отéческое благочéстие; ретя́щежеся посыла́ху во́ины, в пусты́ни и дéбри, да уловя́т преподóбных пустынножítелей, живúщих по отéческим предáнием; и ели́цы в сурóвыя их рúки впа́даху, разлíчными рáны

уязвляхуся, умільно вопиюще Христóви: Исýсе Сыне Бóжи и утверди́ нас, в Твоём исповѣдании.

Мра́чныя темни́цы, показовахуся страда́льцем, яко черто́зи, у́глие же яко цвѣти зрѣхуся, би́ения ра́ны же и жже́ния, яко уни́заниа ка́мением и бѣсером, златоза́рными рѣсны; у́зы желе́за и че́пи, и удавля́ющия ѡх ве́рви, яко медвя́ныя ча́ши пияху, ѡмиже умерщвѣеми зовѣху: Исýсе Сыне Бóжи, причти́ нас со святы́ми Твои́ми.

Слава, глас 8. Чтó вам принесѣм до́блии страда́льцы? – яко по оте́ческих за́конех до́бре ревновáвше, оста́viste до́мы и сродства, страда́льческим по́двигом усѣрдно вда́вшеся, победи́ли есте́ новолюби́телей суровство́; ѡбо ни би́ения ни ра́ны, ни ме́чь ни о́гнь, не отверго́ша вас от любве́ Бóжия, ни от преда́ния святы́х уго́дник; с ни́ми же моли́теся ко Укрепи́вшему вы́, соблюсти́ ны́ от враг на́ших, яко да ва́шими моли́твами спаса́еми, избúдем всякаго лука́ваго ловле́ния и мучи́тельства, и получи́м от Спа́са ми́лость в Де́нь Су́дныи.

**И ныне, Богородичен воскресен (догмат гласу недели).
Выход. Прокимен воскресен. И чтения три:**

От Проро́чества Исáина чтѣние.

Та́ко глаго́лет Госпо́дь: вси́ языцы собра́шася вку́пе, и соберу́тся кня́зи от ни́х. И кто́ возвестит сѡя в ни́х? И

якоже изначала кто слышана сотворит вам? Да приведут свидетели своя и оправдятся, и да услышат, и да рекут истину. Будете Ми свидетели, и Аз Свидетель, глаголет Господь Бог. И Отрок, Егоже избрах. Да познаете и веруете Ми, и разумеете, яко Аз есмь. И прежде мене не бысть ин бог, и по Мне не будет. Аз есмь Бог, и несть разве Мене спасаи. Аз возвестих и спасох, и унижих, и не бе в вас отчуждения. Вы Мне свидетели, и Аз Свидетель, глаголет Господь Бог. И еще от начала Аз есмь, и несть иже от руки Моёю избавляи. Сотворю, и кто отвратит то? Сиче глаголет Господь Бог, избавляи вас Святыи Израилев.

От Премудрости Соломона чтение.

Праведных душа в руке Божии, и не прикоснется их мука. Непщевани быша во очию безумных умрети, и вменися озлобление исход их, и еже от нас шествие – сокрушение, они же суть в мире. Ибо пред лицом человеческим, аще и муку примут, упование их бессмертия исполнь. И малом показани бывше, великая воспримут. Яко Бог искусит их, и обрете их достойны Себе. Яко злато в горниле искусит их, и яко всеплодную жертву прият их. И во время посещения их возсияют, и яко искры по стеблию потекут. Судят языком, и обладают людьми, и воцарятся Господь в них во веки. Надееющеися на Нь разумют Истину, и вернии любовь пребудут в Нем. Яко благодать и

мѣлость в преподѣбных Егѣ, и посещѣние во избранных Егѣ.

От Премудрости Солѣмони чтѣние.

Праведницы во веки живѣт, и ѡт Господа мзда ѣм, и помышлѣние ѣх пред Вѣшним. Сегѣ ради приѣмут Царьствие благолѣпия, и венѣц доброты от рукѣ Господня. Яко десницею покрѣет ѣх, и мѣшцею зашѣтит ѣх. Приѣмет все оружье ревности егѣ, и вооружѣно сотворѣт создѣние, в мѣсть врагом. И облѣет я во броня правды, и возложѣт шлем – суд нелицемѣрен, и приѣмет щѣт непобѣдим – преподѣбие, поострѣт же напрѣсен гнев во оружии. И побѣрет с ним мир на безумныя. И поѣдут праволѣчне стрѣлы молниины, яко от благокрѣгла лѣка облаков, на намѣрение летѣт. И от пращя каменных ярости испѣль падѣт грады, вознегодѣет на них вода морская, рѣки же потекѣт жесточѣе. Сопротѣв станет ѣм Дѣх Сѣлы, и яко вѣхорь развѣет я. И опустѣт всю зѣмлю беззакѣние, и злодѣяние превратѣт престѣлы сѣльных. Слышите ѣбо царие и разумѣйте, и накажѣтсѣ судия концѣм зѣмли. Внушѣте содержащеи множѣства, и гордѣящеисѣ о народах язык, яко данѣ бѣсть ѡт Господа держѣва вам, и сѣла от Вѣшняго.

На исхождѣнии, стихѣра, храму, таже стихѣры святѣм, глас 1. **Страдѣльческое торжество настѣ днѣсь братие, приидѣте возвеселѣмсѣ: тѣи бо о отѣческих**

преданиих страждуще веселяхуся, во пламенных источницах куплющися, яко на воде покойне прохлаждахуся; и смерть за церковныя законы приемлюще, яко медвенныя соты пияху; сего ради вся ныне в Породе Райстей ликовствующе радуются, и молятся Христови, о празднующих нас любовью святую память их, помилованным быти, и спастися душам нашим.

Глас 2. Иже прежде апостольским проповеданием, и святых восточных отец учением, Святаа Церкви Русийская украшена сущи радовашеся, и Своя чяда ко Христу приводящи веселяшеся, и день от дне яко порфиною царскою одеяна ликоваше; ныне же новолюбительми дерзостию от тоя лепоты обнажена узресе, ибо двоеперстное сложение, исповедающее Христа во двою существу, во единой же ипостаси, увидерзостно, арменским поречесе; и Крест Христов трисоставныи, от печатания просфир отьяся, и брынским безчестно назвася; и прочия чины и уставы древлецерковнии, лютым гонения ветром поколебашася; от сиеваго искушения спаси ны, молитвами Твоих страстотерпец Боже, и помилуй нас.

Глас 4. Егда сих новостей излитие, видевше древних церковных закон хранителие, и тако Матерь их древнюю Святую Церковь, сиевыми пременами люте терзаему; ополчившися верою, и соединивше

любо́вь с наде́жею, ста́ша по зако́нх церко́вных му́жественно, не до проли́тия кровей то́чию, но и до са́мья сме́рти; ю́же разли́чными о́бразы с ра́достию прие́млюще, моля́хуся Го́сподеви, да прие́млет ду́шя́ их, в прохла́дную теплоту́ не́дра Авраа́мля; их же по́двиги и страда́ния венча́ Госпо́дь, вели́кими зна́меньями: и́бо и отрѣ́занными язы́ки испове́даху, дре́внее благоче́стие, и отсече́нныя ру́ки показоваху, двоепе́рстное сложе́ние; те́х страда́лец па́мять, и мы́ пра́зднующе мо́лимся, изба́витися на́м от вся́каго искуше́ния вра́жия, и спасти́ся ду́шя́м на́шим.

Слава, глас 3. Апóстольским предáнием, изве́стнии храните́лие б́исте святи́и страсоте́рпцы: Святы́я бо Трои́цы еди́но существо́, и воплотившагося Бо́га Сло́ва во двою́ существу́, сложе́нием пе́рст, по дре́внему Святы́я Це́ркве предáнию, правове́рно пропове́давшие, новолюби́тель хуле́ние ре́вностне низложи́сте; с ни́ми же и единомы́сленники их до конца́ посрамивше обличи́сте; пра́вое же святы́х оте́ц испове́дание, свои́ми кровью́ запечатлѣ́сте; те́мже и на́м от преле́сти сохране́ном б́ити, и несквѣ́рнено на́ше жити́е в ве́ре соблюсти́, ва́шими моли́твами мо́лимся.

И ны́не, глас той же. Без се́мене от Божѣ́стvenaго Ду́ха, сове́том же О́тчим зачала́ еси́ Сы́на Бо́жия: от Отца́ без ма́тере пре́же ве́к су́ща, нас же ра́ди из Тебе́ без отца́ б́ивша, плоти́ю родила́ еси́, и Младенца́ млеко́м

пита́ла еси́; те́мже непреста́й моля́щи, изба́вители́ от бе́д душáм нáшым.

На стиховне, стихеры воскресны, гласу недели.

Слава, святым, глас 7. Чтó шúm прáзднующих умножа́ется? – я́ко свѣтлии страда́льцы, свѣлостию по́двиг свои́х вся́ гра́ды озари́ша, на всѣх бо сто́гнах ре́ки кровѣй íх потекóша; и ви́димых церквѣй пра́ги те́ми обагри́шася, íбо не хотя́ще святíи новопре́данных обы́чай причастíтися, и в це́рквах до излíтия крóве, служíтелями церкóвными би́ени бы́ша, вопи́юще ко вся́ зря́щему О́ку: ви́ждь Влады́ко нáша стра́сти, и да́ждь нáм вы́шняя по́чести, и непреда́ждь ду́шь нáших в погíбель, Тебе́ бо лю́бим Еди́наго Бо́га нáшего, прославля́ющаго в чюдесѣх святы́я своя́.

И ныне, Богородичен, глас той же. Под крóв Тво́й Влады́чице, всí земнорóднии прибега́юще вопи́ем ти́: Богорóдице упова́ние нáше, изба́ви нáс от безме́рных прегрешéнии, и спаси́ душя́ нáша.

На благословление хлѣбом, тропарь: Богорóдице Дѣво ра́дуися... (дважды). Таже тропарь святым, глас 4: Я́ко оте́ческим зако́ном усѣрднии хранíтелие, и дрѣвле церкóвных обы́чай неусы́пнии стра́жие, святíи но́вии страда́льцы, Влады́ку всѣх моли́те,

невредимым всем в православию быти, и нам память вашу почитающим спастися.

На утрени.

На Бог Господь, тропарь воскресен, гласу недели, дважды. Слава, тропарь святым (писан выше). И ныне, Богородичен воскресен, глас 4: **Еже от века утаенное, и Ангелом несведомое Таинство, Тобою Богородице земным явися Бог, в неразумне снятии воплощаемь; и Крест волею нас ради восприим, имже воскреси перевозаннаго, и спасе от смерти души наша.**

Кафизмы, и седальны и ипакый, обычны, якоже по вся недели.

Полиелеос, и псалом избранныи мучеником. Припев на величании: **Величаем вас, святии новии страстотерпцы, и чтём еже по Христе ваше, за отеческия законы, крепкое страдание.**

По полиелеосе, седальны святым, три, по единожды: Седален, глас 1. **Добра ваша купля святии, яко земными страстьми Небесныя почести стяжасте: плоти бо своя на раны и томления вдасте, Духа Святаго благодати сподобистесь; ею же просвещаемы водворяетесь в райских селениих, моляще о нас Единого Человеколюбца.**

Глас 6. Удивішася пóдвигу вáшему святіи, Небéснии чінове: я́ко вѣ́ протіву новолюбительскія дѣрзости мўжески ополчівшеса, победісте тѣх кóзни и мучітельства терпѣнием своїм; и тогó рáди вселістеса на водѣ покóйне, идѣже наслаждáющеса вѣчных блáг, незабўдите и нáс в нўждах нáших.

Слава, глас 8. Отѣческія закóны крѣпким стояніем, и Богоугóдныя чіны и обычаи усѣрдно соблюдáюще, к новостѣм примесітиса не восхотѣсте, и обычай иноплемѣнных стрáнных возгнушáстеса; и тогó рáди вѣлія мўки претерпѣсте, и ныне во́ Свете немерца́еме пребывáюще, моліте за всѣх, іже пáмьятъ вáшу любѣзно почитáющих.

И ныне, Богородичен, глас той же. Никотóрыи язýк по достоянію возмóжет Тя воспѣти, Мáти Дѣво Пречістая: Ты́ бо Небéсным и земнѣм неотъѣмлему благодáть Твоім Рожествóм даровáла есі; тѣмже страждущей по отѣческих закóнех, Твоім заступлѣнием спаса́еми вопіяху: подáждь нам пóмощь Владычице Чістая.

Таже пóряду служба вся воскресна, даже и до канóна. Каноны: воскресен со ирмосом на 4, и Богорóдице (недельныи) на 2, и святым страдальцем, на 8. Катавасія по Уставу.

***Канон святым исповедником новым
страстотерпцем, глас 6, емуже краеграние:
Защитники отеческих законов почитаю.***

Песнь 1, ирмос. Помощник и Покровитель бысть мне во спасение; Сей ми есть Бог, и прослаблю И, Бог отца моего, и вознесу И: славно бо прославися.

Запев: Святии мученицы и исповедницы, молитесь Бога о нас.

Юности моея прегрешения ведыи, трепещу языка моего прострети, к похвалам мученик: обаче с ними вопию Господеви, славно бо прославися.

Агньче Божии Иисусе Христэ, просвети ми смысл воспети, за Имя Твое Святое, и за предания святых Твоих умерщвенных, да с ними Тебе усердно вопию: славно бо прославися.

Твоих угодник Боже предания и обычая, соблюдающе святии страстотерпцы, не приложися к новолубцем, и во страданиях своих Тебе вопияху: славно бо прославися.

Богородичен. Ис Тебе воплощагося Бога Слова Дево Мати, знающе страдальцы, и за обычая и предания угодник Божиих, умрети желаяще, вопияху Сыну Твоему: славно бо прославися.

Катавасия: Христос раждается.

Песнь 3, ирмос. На твёрдем вѣры Твоея камени, помышлѣние утверди души моея; утверди мя Господи, ты бо имам Блаже, Прибежище и Утвержение.

Чтуще Божественая Писания страсотѣрпцы, познаша новых предани хитросплетенную мрежу; вопияху Господеви: соблюди нас Бже во отеческих обычаех, яко Ты еси наше Утвержение.

Огнем Божественая любве распалаеми святии, оставляху дома и сродствия, и пришельцы в чуждых странах быти возлюбisha, ко Владыце взывающе: яко Ты еси наше Утвержение.

Полное грозы повеление, егда о пременении отеческих предани, всю Русию пройде, тогда святии ревнителие вопияху ко Владыце: яко Ты еси наше Утвержение.

Богородичен. Веление томитель преобидяще страсотѣрпцы, вопияху к Тебе: О, Богомати! помози нам соблюсти святых твоих обычаи, яко Ты еси наше Утвержение.

По 3 песни, кондак святым, глас 3. Лик святых новых страдалец, различными муками по отеческих

зако́нѣх рѣвно́стно сконча́вшеся, любѣ́зно почита́ющеи усѣ́рдно мо́лим ѡ́х, вопи́юще: не забúдите нас свя́тии в напáстѣх на́ших.

Ї́кос. Гро́зное новолюбíteль томлѣ́ние, возму́ти вся́ Русíйския гра́ды, и протяже́ непреломля́ему вери́гу вяза́ния на вся́каго челоуѣ́ка, храня́ща древлеотѣ́ческое благоче́стие; и бѣ́ху темни́цы по́лны ўзников, и о́ви посеца́еми быва́ху, друзи́и же жи́ви огне́м сожиза́еми, и прóчими мýками утомля́еми; к ни́м же и мы́ усѣ́рдне вопи́ем: незабúдите нас свя́тии в напáстѣх на́ших.

Седáлен святым, глас 4. Во́ини Христо́ви до́блии, подвигше́ся до́бре, лука́ваго врага́ до конца́ потопи́ша крóвными струя́ми; ка́мением сокруша́еми, и мечи́ ссеца́еми, огне́м сожиза́еми и в во́ду вмета́еми, венценóсцы показáшася я́ве, те́мже что́ми сýть и ве́рою сла́вими. (Дважды.)

Слава, и ныне, Богородичен. Предварí избáвити нас от скорбѣ́й на́ших Богоневѣ́сто, я́ко вси́ по́ Бозе к Тебѣ́ прибега́ем, о нас имúщи моля́щия Ти ся́ и Сы́ну Твоему́ страда́льцы, ѡ́х же моли́твами спаси́ нас Богома́ти Всеще́драя.

Песнь 4, ирмо́с. Удиви́ся Тво́й ра́зум от мене́, услы́шавшу пресла́вная велѣ́ния смотре́ния Твоего́;

укрепѣжеся возлюблением Твоего схождения, Ты бо моя нищета не отвержеся.

Обыде вас новолубитель стремление яко разбойник, бьюще и вяжуще вся исповѣдующыя отеческое благочестие; вы же ко страданием, яко к великим почестем, прити усердно потщаетесь.

Ненавидящеи древних предании, искаху вас содержащих тая, не точию по домом, но и по дѣбрем, и немилостивно бьюще; вы же раны и томления подъемлюще, и не восхотѣте отступити отеческих велѣнии.

Огнь варящъ, аще и пожигаше плоти ваша страсотѣрпцы, душевная доброта в вас не увядаше, ибо лютых мучении страсти, болшия обещаваху вам почести.

Богородичен. Ков и лукавство сплетяху новолубителие на мученики, имиже тщяхуся отвратити их от древних содержании; но ти в мучахъ сущѣ, помощию Твоею Пречистая, одолевашу ищущым их погѣбель.

Песнь 5, ирмос. Союзом любве связуеми Апостоли, владущему всеми себе Христу предавше, красны ноги умывашу, благовѣствующе всем мир.

**Апóстольскія свѣтлыя любвѣ, свѣтліи сообразницы
бѣсте святіи страстотѣрпцы, ібо и в разсѣянии сѹще,
едіну вѣру отѣческу непременно соблюлі естѣ.**

**Земля крѳвию вѣшею аще и по вся дни обагрѣшеса,
но благочѣстие отѣческое вѣми пѣче
распространѣшеса, обычай бо естѣ Цѣркви в гонѣнии
укреплѣтися.**

**Хѹляще новолѹбителие отѣческая предѣнія,
повелеваху вѣм тѣя проклинѣти; вѣ же исповѣдницы,
и отрѣзанными язѣки вѣшими, отѣческія закѳны
ясно проповѣдали естѣ.**

**Богородичен. Імя рѳждшагося ис тебѣ Исѹса Сѣна
Бѳжия, велеглѣсно святіи пред мѹчителими
нарицѣху, и в мѹках сѹще, Тебѣ Дѣво Пречістая,
призывѣху на скѳрую пѳмощь.**

**Песнь 6, ирмѳс. Возопіх Гѳсподи, злѣми дѣлы
одержімь: возведі мѣ молюся, изриновѣна из тлі,
Тѣ бо помянѹх Спасе, и возвеселіся сѣрдце моѣ.**

**Кнѣзи лѹдстии собрѣшася вкѹпе, на исповѣдующыя
отѣческое правослѣвие; вѣ же страстотѣрпцы,
дѳблественне подѣясте нанесѣнныя от нѣх скѳрби.**

**Сѳном новолѹбитель умышлѣше прісно, кѣко
искореніти любящыя отѣческое Богоѹдное**

предание; но вера ваша мученики, одолеваше их суровству.

Елико новолюбителие лукавым истязанием вязаху исповедники, толико множае сами себе ко студу свождаху: ибо поселянская простота, препобеждаше их суетную мудрость.

Богородичен. Чертоже Божии Марие Богоотроковице, сподоби нас ходатайством Твоим улучшить радость, еяже вину наслаждаются пострадавшей по благочестии.

По 6 песни, кондак и икос воскресны.

Песнь 7, ирмос. Отроцы в Вавилоне пещи пламенны не убояшася, но посреде огня ввержени, прохлаждаеми зываху: благословен еси Господи, Боже отец наших.

Единогo Христа во двою существу совершену, двема перстома быти образующе святии, вопияху к Нему: благословен еси Господи, Боже отец наших.

Триперстнаго сложения, не образующаго бывшаго за наше спасение воплощения Спасова, неприемлюще святии, и того ради мучими, Христови вопияху: благословен еси Господи, Боже отец наших.

Отéческаго предáния обы́чаи соблюда́юще мученицы, по́яху двóйственное аллилу́ия, с приглаше́нием, сла́ва Тебе́ Бо́же; и сегó ра́ди стра́ждуще, вопия́ху: благословéн еси́ Го́споди, Бо́же отéц на́ших.

Богородичен. И́мя вопло́щшагося ис тебе́ Де́во Иису́са, без приложéния «и́ты» возглаша́юще святíи, и того ра́ди неща́дне томíми, усéрдно Сы́ну Твоему́ вопия́ху: благословéн еси́ Го́споди Бо́же во́ веки.

Песнь 8, ирмо́с. По зако́не о́тчи преблаже́ннии, в Вавило́не ю́нии беду́ приéмлюще, царю́ющаго небрегóша повелéния безу́мнаго, и совоку́плени в нём же не изварíшася огни́, Держа́щему досто́йно возсыла́ху пéснь: Го́спода воспева́йте дéла, и превозноси́те Егó во́ веки.

Крестá трисоста́внаго обнаже́нныя просфиры́ не приéмлюще страсотéрпцы, ураня́еми бы́сте лю́те, и уста́ ва́ша новолюбíteль рука́ми сокруша́хуся, и изво́листе умрети́, паче не́жели таковы́х даром причастíтися.

Иму́ще святíи ю́ношы дрéвния, тричíслием Трóицу образу́ющих, трисоста́внаго Крестá Господня́ образу́ поклоня́стеся любéзно; и святéй та́йне церкóвней и́стинно соверша́тися, трича́стнаго Крестá подóбием испове́дали естé.

Не подклоністе главы́ ваша́ под Малáксово благословéние страсотéрпцы, подава́емо от но́вых иерей невéдущым та́йны лю́дем; но бéгасте нові́н я́ко мечá остра́, и му́ки прия́ти изво́листе, па́че не́жели небыва́лым новостéм приобщи́тися.

Богородичен. Тобо́ю под лéты, безлётно же от Отца́ рождéннаго А́гнца Дéво, закала́ема правове́рно за спасéние мíра, достóйно то́кмо страсотéрпцы причаща́хуся, и прося́ще изба́витися прéлести, моля́ху Тя Пречі́стая Ма́ти.

Песнь 9, ирмо́с. Стрáнствия Влады́чня, и безсмéртней трапéзе на го́рном мéсте, высóкими умы́ вéрнии прииді́те воспри́имем, возше́дша Сло́ва, о́т Слова нау́чшеся, Егóже велича́ем.

Иму́ще святіи véлию ре́вность по оте́ческих зако́нх, и боя́щеся Царя́ Небéснаго па́че земна́го, возда́сте кесаре́ви то́кмо кесаре́ва, но не Бóжия, и к нові́нам церко́вным со царі́ не приступі́сте.

Щедро́ты Бóжия дівно́ вас стра́льцы прославля́ху, отрэ́занными бо язы́ки, па́че язы́к невреждéнных, оте́ческое благоче́стие пред мучі́тельными проповéдали естé.

**А́нгели Бо́жии сходя́ще на ме́сто мученик
преставле́ния ви́дими быва́ху, и страсотерпческия
полки́ на Небе́сныя кру́ги вступа́ющыя зовя́ху, ихже
моли́твами спаси́ нас Бо́же Преблагии.**

**Богородичен. Зако́ны Сы́на Твоего́ Влады́чице, и
предáния Того́ уго́дник соблюда́юще страсотерпцы,
пострада́ша разли́чно; те́х приими́, о, Богома́ти,
моля́щих Ти ся за ны́, и спаси́ нас.**

**Свети́лен воскресе́н, еди́ножды. Слава, свети́лен
святым:**

**Оте́ческаго благоче́стия кре́пкия столпы́ усердно
почте́м, ти́и бо изво́лиша умрети́, па́че не́жели
церко́вных предáнии отрещи́ся; и ны́не во све́тлости
пра́ведных суще, мо́лятся о нас вы́ну Го́сподеви.**

**И ны́не, Богородичен. Черто́же Бо́жии пресве́тлыи,
человеколюби́вая Де́во Богоро́дице Мари́е, пода́ждь
на́м си́лу и кре́пость проти́ву гоня́щих му́жественно
ста́ти, и во оте́ческих зако́нех до конца́ пребыва́ти, и
в се́ла пра́ведных вселити́ся.**

**На хвалитех, стихеры воскресны, на 4, и стихеры
святым, глас 8, подобен «О, преславное чудо!»:**

**О́, пресла́вное чу́до!* я́ко на коне́ц веко́м,* дре́вним
страда́льцем сообра́знии яви́шася;* вся́ сия́ устрои́
те́плейшая ко Христу́ любо́вь,* ею́же влеко́ми
страда́льцы,* вопия́ху к Нему́ жа́лостне:* спаси́ нас**

Исúсе Царю, стра́сти Тебе ра́ди подьёмлющя,* яко ни о́гнь ни мéчь отлучи́ нас,* любвé Твоея́ Божéственныя.

О́, пресла́вное чюдо!* яко Тебé ра́ди,* ни мéчь ни о́гнь, ни ра́ны ни биéния,* ни жесточа́йшая моголётная томлéния,* возмогóша отторгнути мученик от Христóвы любве,* и отéческих закóн и обы́чай отврати́ти;* и в мýках ýбо сýще вопи́яху Христóви:* спаси́ нас Исúсе сы́не Бóжи, яко сия́ вся стра́ждем за предáние святы́х Твои́х.

Стих: Возва́ша пра́веднии,* и Господь услы́ша их.

О́, пресла́вное чюдо!* áки на пír зовóми мученицы,* вéсело вметáхуся во о́гнь и в во́ду,* и ра́достно усечéние подьёмлюще,* не тако́ усладя́хуся мéдвенными со́ты,* якоже испи́тием сея́ ча́ши страдáльческаго за отéческаго закóны,* и вопи́яху всех Содéтелю:* Исúсе Женише́ Церкóвныи спаси́ нас,* за чистоту́ Невéсты Твоея́ стра́ждущих.

Глас 6, стих: Мно́ги скóрби пра́ведным,* и от всéх их избáвит я́ Господь.

Дне́сь раду́ется ве́рных множествó, яви́ша бося мýжественно дóблии страсотéрпцы, посрамля́юще новолю́бцы: и́бо и отрэ́занными язýки облича́ху тéх новостéй содержание, и идя́ху путём, ведúщим в Порóду Небéсную, ихже ви́девше мого́щеи, и тогóже усéрдия ёмшеса, пострада́ша терпели́вно, и ны́не

мо́лятся вку́пе, спасти́ любóвию их па́мять почита́ющих. Слава, стихера Евангельская, по Уставу. И ныне, глас 2, Преблагословéнна еси́ Богородице Дéво...

Отпúст: Воскресýи из мертвых, Гóсподи Исýсе Христé Сыне Бóжии, моли́тв ра́ди Пречи́стыя Ти́ Матере, си́лою Честна́го и Животворя́щаго Креста́, святы́х сла́вных и всехва́льных апóстол, (и свята́го, имярек, его же есть день), и святы́х священномúченик и мúченик и исповéдник, иже за древлецеркóвное благочéстие пострада́вших, и всéх святы́х, помилуй и спаси́ нас, я́ко Бла́г и Человеколю́бец. Амíнь.

На часéх.

Тропарь воскресен, гласу недели. Слава, тропарь святым, глас 4: **Я́ко отéческим закóном усéрднии храните́лие, и дрéвле церкóвных обы́чай неусы́пнии стра́жие, святи́и но́вии страда́льцы, Влады́ку всéх моли́те, невре́димым всéм в правосла́вии бы́ти, и нам па́мять ва́шу почита́ющим спасти́ся.**

И ныне, Богородичен.

На 1 и 6 часех кондак – воскресен. На 3 и 9 часех – кондак святым, глас 3. **Ли́к святы́х но́вых страда́лец, разли́чными мúками по отéческих закóнех ре́вносно сконча́вшеся, любéзно почита́ющеи усéрдно мо́лим их, вопи́юще: не забúдите нас святи́и в напáстех на́ших.**

Блаженны воскресны во Октаи на 6, и святым, песнь 6, на 4. Прокимен, аллилуия и причастен воскресен и мучеником (общии). Апостол воскресен, и мучеником: **Рим., зач. 99.** Евангелие воскресно, и мучеником: **от Матфея, зач. 80.**

Отпúст вышеписанныи.